

欽定大清會典事例

欽定大清會典事例卷八百五十六

刑部

督捕例

逃人另犯他罪
外省駐防屬下人逃
赦後逃人
公主屬下人

逃人起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人私起除刺字
逃人不實供伊主住

逃人另犯他罪。康熙十二年題准。逃人在逃處犯事。如一併發覺。已經刑部鞭責。咨送督捕者。免其重責。仍照例刺字。○雍正四年

諭逃人本身已經犯罪。又在逃生事。被人毆死。與尋常
鬪毆不同。嗣後逃人被毆身死者。不應擬抵。庶使逃
走之人。知所儆懼。○乾隆八年定。凡逃人在逃走處
犯事。一併發覺。拏送刑部。該堂官照例分司。會
同督捕司官審定。從重歸結。應刺逃人字樣者。
仍照例刺字。

赦後逃人。○順治十七年欽奉

恩詔。逃人於赦後逃三次者。擬死。赦前者俱免。○康熙
十年題定。凡鞭刺過逃人。俱自

赦後計算三次。○乾隆八年定。凡三次逃犯。有一二

次逃走在

赦前者俱免其通算其於

赦後逃走三次者方擬發遣○道光五年定凡正身
旗人二次逃走其初次逃走在

赦前者免其併算照初次逃走例分別辦理旗下家
人三次逃走有二次逃走在

赦前者俱免通算其於

赦後逃走三次者方擬發遣

外省駐防屬下人逃○原定凡外省駐防藩王
公等在京人役逃走者應在督捕衙門審理其

在藩王公等彼處人役逃走者。俱交與該督撫審理。若有窩家。具空文咨報。督捕衙門覈議具奏。其無窩主之逃人。即於彼處照例鞭刺。逃人逃走三次者。具空文咨報。督捕衙門覈議具題。○乾隆八年定。凡外省駐防大臣官員人等屬下人役在京逃走者。聽刑部審擬。其在外所隨人役逃走者。俱交與該督撫審理。照例造冊咨送刑部查覈。若有窩家及三次逃人。咨報刑部。照例辦理。

公主屬下人逃。○康熙十五年定。凡公主等家

下人逃走者。照例鞭刺。公主等所屬另戶逃走者。亦照旗下另戶人例治罪。免其刺字。窩家地方官。俱照常議。其口外蒙古之逃人。拏解者。咨送理藩院歸結。地方官功過毋庸議。將窩家責四十板。○嘉慶六年定。口外蒙古逃人之窩家。分別知情不知情。照例辦理。

逃人起除刺字。○康熙四年題准。凡逃人將伊面上字毀去者。將毀去字補刺。鞭六十。○雍正二年定。凡逃人用藥起除面上所刺之字者。枷號三月。鞭一百。如央人代為起除者。將代為起

除之人。枷號兩月。鞭一百。所毀之字。仍行補刺。逃人不實供伊主住址。○康熙九年題准。拏解之逃人。不實供伊主住處。誑供在別處者。照例鞭刺外。枷號一月。○二十年題准。凡逃人初供之主不認者。令審理逃人之督撫刑訊。照例治罪。○乾隆八年定。凡逃人不實供伊主住址者。除照例鞭刺外。枷號一月。

私拏逃人。○康熙十二年題准。凡逃人之主旗。下認識之人。在京附近。或在屯莊等處。或出差。遇獲逃人者。仍照舊例外。不許私自差人拏獲。

逃人。准其在督捕衙門控告行提。或首告附近之地方官拏解。若違此定例私自往拏。地方官及窩家之罪毋庸議。逃人之主。若係白人。鞭一百。若係官員。交該部議處。○乾隆八年定。凡逃人之主。及平素認識逃人之人。在京附近地方。或在屯莊等處。及出差遇見逃人者。准其拘拏外。至有訪得逃人下落。令其在刑部控告。或向附近地方官呈告拏解。不許私自拘拏。若違例私自往拏者。地方官及窩家免議。違例私拏之人。若係閒散。鞭一百。係官交部議處。

旗人私出境外。康熙十九年定。凡旗人私自出境取債探親者。係閒散。鞭一百。係官。交部議處。失察之佐領。驍騎校。亦交部議處。領催。鞭五十。如將家人明知差去者。鞭八十。係官。交部議處。其屯莊居住之另戶人。及家人。私自出境者。除本犯照例治罪外。佐領。驍騎校。領催。及本主。俱免議。屯領。催照領催例治罪。道光五年定。凡閒散旗人。及旗下官員。私自出境取債探親者。均照逃走例。分別辦理。莊屯居住之另戶人。照閒散例辦理。其另戶家人。私自出境者。本犯

照例治罪。本主免議。

旗人出境索詐行私。○康熙十九年定。凡旗下人私自出境需索財物。藉端挾詐及囑託行私者。初號三月鞭一百。係官革職。不准折贖。鞭一百。失察之佐領。驍騎校。交部議處。領催鞭八十。如將家僕明知差去者。其主係閒散。鞭一百。係官交部議處。其差去之家人。初號一月鞭一百。○道光五年定。凡旗人私自出境需索財物。藉端挾詐及囑託行私者。銷除旗檔。按其所犯罪名。照民人一例問擬。係官革職。亦銷除旗檔。犯

罪重於杖一百者。照例治罪。不准折贖。如將家僕明知差去者。其主係閒散。鞭一百。係官交部議處。差去之家人。枷號一月。鞭一百。

旗人告假領票。○雍正七年定。凡八旗兵丁及拜唐阿閒散人等。如有告假前往各省以及口外者。俱令稟明該管官。條何事前往何處。及告假限期。詳細聲明存檔。給領印票。回日圈銷。儻有告假逾限不回。及回而不交納原領印票者。鞭五十。如不領印票私行前往。或領有印票私往別處者。俱鞭一百。○道光五年定。八旗閒散

旗人告假出外營生。無論前往何處。俱報明該參領註冊。由佐領給予圖記。即准外出營生。不必勒定限期。如有事逗遛。准其報明地方官。行文該旗回京。仍准挑差。若已逾一年。並無地方官展限文書報明該旗者。即銷除旗檔。儻在外滋事。照民人例問擬。或投往親族任所。自恃尊長。挾詐需索。准外任各官呈明上司究辦。其告假時。該參領隨時呈報都統存案。年終彙咨戶兵二部。儻該管參佐領有勒捐情事。查出叅處。八旗降革休致之官員。已退錢糧之兵丁。未食

錢糧之舉貢生監均照閒散例其各省駐防旗人亦一律分別辦理

逃人外娶之妻所生子女○順治十一年題准凡逃人在逃走處所娶之妻及所生子女審明斷歸逃人給予逃人之主若有強奪霸娶者照例治罪

逃人外生之女○康熙十年題准凡逃人在外娶妻所生之女已聘嫁民人者不斷與逃人之主仍歸給本夫○十二年題准凡逃人從伊主家帶逃之妻有所生之女已聘嫁民人者追銀

四十兩。給逃人之主。若不能納銀者。其女給予伊主。○乾隆八年定。凡逃人將外娶妻所生之女。聘嫁與人者。不論已婚未婚斷給伊夫完娶外。若將帶逃之妻外生之女。私聘與人。未婚者追還財禮。將女斷給伊主。已婚者不拘年限。俱免其離異。向私娶之人追銀四十兩。給主。如貧難無力。量追一半。其嫁女之逃人。照例鞭刺。知情聘娶者。杖一百。媒合人等杖八十。不知者不坐。

已賣逃人外娶妻所生子女。○康熙十年題准。凡逃人被獲。交與伊主。其主轉賣與人。有在外

娶妻所生子女俱歸給逃人。斷與後買之主。○
乾隆八年定。凡逃人在外娶有妻室。生有子女。
被獲時。將妻室子女未曾供出。已經完結。其主
隨將逃人賣與他人之後。始行發覺者。將逃人
外娶妻及所生子女俱斷歸逃人。給予後買之
主。

奉天府江甯等處旗下逃人。○順治十三年題
准。奉天府駐防旗下人逃一二次者。該將軍審
結。逃三次者。該將軍具文報督捕衙門。覆議具
題。交刑部正法。○又題准。西安府。江甯府。京口。

杭州府保定府太原府滄州德州等駐防旗下
逃走者該將軍城守尉等審明若有窩家具文
報督捕衙門覆議具題其無窩家之逃人即於
彼處照例鞭刺逃走三次者具文咨報督捕衙
門覆議具題○康熙十年題准甯古塔駐防旗
下人逃一二次者該將軍審結三次者該將軍
具文報督捕衙門覆議具題若滿洲窩隱逃人
及無窩主之逃人即於本處照例審擬○乾隆
八年定凡奉天府居住旗下人逃走者

盛京刑部審理分別次數照例治罪逃走三次例

該發遣者。照名例發西安荊州等處給駐防兵

丁為奴。

係另戶發遣當差。

其江甯等處駐防旗人逃走

者俱交與該督撫審理。照例治罪。仍報明刑部查覈。逃走三次者。咨部分別照例發遣。○三十二年定。凡奉天等處居住旗下人逃走者。

盛京刑部審理。分別次數。照例治罪。該發遣者。照

名例發西安荊州等處給駐防兵丁為奴。

係另戶發遣。

其江甯等處駐防旗人逃走者。俱交與各

該督撫審理。照例治罪。仍報明刑部查覈。逃走二次者。咨部分別發遣。○嘉慶六年定。凡奉天

府等處居住旗下人逃走者。

盛京刑部審理。分別次數。照例治罪。該發遣者。照名例發西安荊州等處。給駐防當差。其江甯等處駐防旗人逃走者。俱交與各該督撫審理。照例治罪。仍報明刑部查覈。逃走三次。查係被獲者。咨部分別發遣。○道光五年定。凡奉天府等處居住旗人逃走者。

盛京刑部審理。其江甯等處駐防旗人逃走。俱交與各該督撫審理。均依逃走例。分別辦理。仍報明刑部查覈。

賣身行詐。○康熙四年議准。凡棍徒在地方犯
事。潛逃來京。將身賣與旗下。回伊原籍。借逃行
詐。若被拏解審。屬情真者。交與刑部正法。○乾
隆八年定。凡棍徒在地方犯事。潛逃來京。賣身
旗下。復回原籍。借逃行詐。除實犯死罪外。犯該
徒罪以下者。照犯罪潛逃例。加二等治罪。犯該
流罪以上者。發甯古塔等處。給披甲人為奴。○
嘉慶十八年定。凡棍徒在地方犯事。潛逃來京。
賣身旗下。復回原籍。借逃行詐。除實犯死罪外。
犯該徒罪以下者。照犯罪潛逃例。加二等治罪。

犯該流罪以上者。發各省駐防給官員兵丁為奴。

借逃行詐。康熙四年定。凡姦棍結黨在地方借逃報讎。詐害良民者。無論旗下人。或民人。俱照光棍例治罪。十三年題准。旗下民人結夥三人以上。指稱隱匿逃人。索詐財物者。不分得財與不得財。俱照光棍例分別首從治罪。乾隆八年定。凡姦棍結黨在地方借逃報讎。詐害良民者。無論旗民。照兇惡棍徒生事擾害良民例。發甯古塔等處給披甲人為奴。嘉慶六年

定。凡姦棍結黨。在地方借逃報讎。詐害良民者。照兇惡棍徒生事擾害良民例。旗人發黑龍江當差。係家奴給披甲人為奴民人發極邊足四千里充軍。○道光五年定。凡姦棍結黨。在地方借逃報讎。詐害良民者。照兇惡棍徒生事擾害良民例。發極邊足四千里充軍。旗人發各

省駐防給官員兵丁為奴。

地方官唆逃行詐。○康熙四年定。凡地方官唆令逃人指報富實行詐情真者。將官革職。交與該部議罪。○乾隆八年定。凡地方官教令逃人

指扳富室為富家計圖詐害者革職照指使犯人誣扳平人例分別治罪得贓者仍以枉法從重論

首告逃人。順治十三年題准。凡旗下人在督捕首告逃人行提審虛者。枷號一月。鞭一百。民人首告逃人者。先赴該督撫按處告理。如不准。方許到督捕告理。提審係誣害者。責四十板。枷號一月。仍發督撫按發落。康熙四年題准。凡姦棍改易姓名。借逃誣告。提審屬虛者。係民人責四十板。流徙尚陽堡。係旗下人。枷號三月。鞭

一百。○八年題准。凡首告逃人行提。地方官具文報稱無有者。復行巡撫查解。仍咨稱無有者。係旗下人。鞭一百。係民。責四十板。如逃人果在彼處發覺是實者。將地方官並巡撫俱照失察逃人例處分。○十年議准。凡出首逃人。查明誑告。讎告者。係旗下。枷號兩月。鞭一百。係民人。枷號兩月。責四十板。若串通糾合。圖財行詐者。俱以光棍例治罪。若民人不在該地方官處告理。向督捕衙門越告者。不准行。至逃人。無論旗下及民人。首告查解者。該管各官鄰佑十家。長地。

方免罪。窩家免其流徙。枷號兩月。責四十板。追銀十兩。給首告之人。如出首逃人。未經審理。輒逃者。所告情節。註冊不准行。後經拏獲。或自行投回。仍照例治罪。○乾隆八年定。凡旗人在部首告逃人。指名窩留處所。移咨該撫查拏。若無逃人。咨覆到日。審係誣告。讎告者。將首告之人。照誣告例治罪。如民人首告逃人。許令在該管地方官處告理查拏。若無逃人。審係誣告。讎告者。將首告之民人。照誣告例治罪。若有希圖財賄。串通誣告。行詐。挖累平民者。不論旗民。均照

兇惡棍徒生事擾害良民例。發黑龍江等處給披甲人為奴。如首告逃人之人。不候審理逃避者。除所告不准。仍行註冊。候拏獲日。照誣告例治罪。若有人首告逃人。該地方官並不拏解。日後另行發覺者。將不行拏解之該管官。交部議處。○嘉慶六年定。凡旗人在部及各衙門首告逃人。指明窩留處所。移咨該撫查拏。若無逃人。咨覆到日。審係誑告。讎告者。將首告之人。照誣告例治罪。如民人首告逃人。許令在該管地方官處告理查拏。若無逃人。審係誑告。讎告者。將

首告之民人。照誣告例治罪。若有希圖財賄。串通誑告行詐。挖累平民者。均照兇惡棍徒生事。擾害良民例。旗人發黑龍江當差。係家奴給披甲人爲奴。民人發極邊足四千里充軍。如首告逃人之人。不候審理逃避者。除所告不准。仍行註冊。候拏獲日。照誣告例治罪。若有人首告逃人。該地方官並不拏解。日後另行發覺者。將不行拏解之該管各官。交部議處。○道光五年定。凡旗人在部及各衙門首告逃人。指明窩留處所。移咨該撫查拏。若無逃人。咨覆到日。審係誑

告讎告者。將首告之人。照誣告例治罪。如民人
首告逃人。許令在該管地方官處告理查拏。若
無逃人。審係誣告讎告者。將首告之民人。照誣
告例治罪。若有希圖財賄。串通誣告行詐。挖累
平民者。均照兇惡棍徒生事擾害良民例發極
邊足四千里充軍。旗下家奴。發各省駐防給官
員兵丁為奴。如首告逃人之人。不候審理逃避
者。除所告不准。仍行註冊。俟拏獲日。照誣告例
治罪。若有人首告逃人。該地方官並不拏解。日
後另行發覺者。將不行拏解之該管各官。交部

議處

投遞逃牌。○順治十五年

諭。凡旗下家人逃走。本主即報明該都統副都統佐領等官。具印結報部。如逃後多日方報。或既獲逃人方稱係伊家者。不許給主。著即入官。○又議准。凡旗下人逃走。本主不曾遞逃牌者。逃人入官。其遞送逃牌之期限。在京內者限五日。二百里內者限十日。四百里內者限十五日。○康熙十二年題。准。凡逃牌已給領催而遺漏不遞者。領催鞭一百。逃人免入官。仍給原主。若逃人自回投主。未

銷逃冊。又復逃者。將不遞新檔逃人之主。鞭七十。又題准各旗兵丁逃走。不在限期內投遞逃牌者。佐領驍騎校俱罰俸一月。又題准凡官員錯寫逃牌投遞者。罰俸一年。乾隆八年定。凡投遞逃牌在京限五日。二百里以內者限十日。四百里以內者限十五日。赴該管衙門投遞。若不遞逃牌者。拏獲逃人八官。給予八旗兵丁為奴。若逃人之主將逃牌已交領催。領催遺漏不遞者。將該領催鞭一百。若從前已遞逃牌。逃人自回。不銷逃檔。後逃人復逃。而伊主不遞。

新檔仍留舊檔者。將逃人之主鞭七十。拏獲逃人。俱免其入官。仍給原主。

呈報逃人。○雍正二年定。凡有護軍披甲人逃走。該管佐領驍騎校。務行據實呈報。不得瞻顧避忌。諛稱患病發狂。蒙混呈報。如有蒙混諛報者。將該管各官交部議處。其滿洲等家下莊頭。挖欠地租。偷典地畝。並帶家業逃走者。拏獲之日。除將偷典地畝之處。照例治罪外。仍將逃人帶逃家業。分為三分。一分給予出首之人。二分給予逃人之主。

遺漏逃牌。康熙九年題准。凡逃人原主已故。其承受家產之人。未遞逃牌者。仍將逃人斷給承受家產之人。十年題准。凡夫妻父子同逃。投遞逃牌遺漏一半者。本主鞭一百。逃人俱斷給伊主。十二年題准。凡遺漏逃牌之主。鞭七十。十四年議准。凡遺漏逃牌未遞者。雖供有窩家。不准提審。乾隆八年定。凡遺漏投遞逃牌。將逃人入官。若夫妻父子同逃。一半遞有逃牌。一半遺漏不遞者。其夫妻父子不便拆散。俱免其入官。將遺漏投遞逃牌之人。鞭七十。窩家

人等及地方官俱照常究議。

誑遞逃牌。順治初年定。職官逃走。各旗該管官詐稱常人投遞逃牌者。罰俸兩月。將遞過逃牌之逃人。誑稱不曾逃走者。罰俸一月。康熙十二年題准。職官逃走。該管官捏作常人投遞逃牌者。罰俸一年。遞過逃牌。誑供不曾逃走者。罰俸六月。在屯莊居住不曾逃走。而誑遞逃牌者。其主係常人。鞭七十。係官交該部議處。乾隆八年定。凡旗下家人逃走屬實者。准遞逃牌。若將屯莊居住不曾逃走之人。誑遞逃牌。係閒

散。鞭七十。係官文部議處。如有不服呼喚抗拒
避匿。以致伊主報逃者。將伊主免罪。家奴不科
逃罪。照子孫違犯。敎令律。鞭一百。

欽定大清會典事例卷八百五十七

刑部

督捕例

逃報逃人攜帶兵器
逃財物逃人告提妻子
逃人旗人契

買民人

保賣旗人
派往駐防滿洲兵丁
開籍貫賣身
冒

稱逃人

察哈爾蒙古歸併額魯特
逃走分別

脫罪

察哈爾蒙古歸併額魯特
逃走分別

治罪

察哈爾蒙古歸併額魯特
逃走分別

走分別

察哈爾蒙古歸併額魯特
逃走分別

納糧當差

察哈爾蒙古歸併額魯特
逃走分別

認領之逃人

察哈爾蒙古歸併額魯特
逃走分別

子逃人

察哈爾蒙古歸併額魯特
逃走分別

詭報逃人攜帶兵器○雍正三年定凡旗人並不製備兵器遇查驗之時詭稱家人攜帶逃去

者。照私賣軍器律治罪。

行提逃人帶逃財物。○康熙六年題准。凡逃人逃走拐去財物。載在原遞冊內者。准行提。如不載在原遞冊內者。雖告不准行。如冊內所載行提屬虛者。將逃人鞭七十。○乾隆八年定。凡逃人帶逃物。付載在原遞冊內者。准行提。如不載在原遞冊內。雖告不准行。如冊內所載審係虛開者。免其行提。將逃人仍治逃罪。

逃人告提妻子。○康熙六年題准。凡逃人告有外娶之妻。行提審虛者。枷號一月。鞭一百。○十

二年題准。逃人告有外生子女。行提審虛者。枷號一月。鞭一百。○十五年題准。凡逃人誣認別人妻子。行提審虛者。枷號三月。鞭一百。○乾隆八年定。凡逃人告有外娶之妻及所生子女。行提審虛者。即枷號一月。鞭一百。如將別人之妻子。讎誣係伊妻子。告提審虛者。枷號三月。鞭一百。

旗人契買民人。○康熙十五年題准。旗人契買民人。著用地方官印信。若有犯罪案緝之匪類賣身者。保人枷號三月。係旗人。鞭一百。係民人。

賣四十板。追價給主。將賣身之人遞回原籍。枷
號三月。賣四十板。原犯罪重者。從重歸結。○二
十六年議准。除直省大小文武官員及駐防將
軍都統等。不准買所屬之民外。旗下官兵。許令
買人。在京者。於大宛兩縣五城兵馬司用印。在
外者。於各州縣用印。問明賣身之人的實姓名
籍貫。取其情願賣身口供及保人口供。申報戶
部。其流移之民。有情願賣身者。在何處地方。即
在本處官用印。若故意勒掇不行用印。交部議
處。○又覆准。嗣後駐防滿洲漢軍將軍以下官

兵。如在本省買人。不容行查原籍。勒令地方官
用印者。該督撫題參議處。○二十七年議准。各
旗買人。俱令赴市買賣。寫檔之時。該翼確查明
白。給付執照。人販子不得在市販賣。如有仍前
販賣者。所賣之人及價銀。一併入官。人販子處
絞。其牙子若帶到伊家轉賣。或留在別處出賣
者。不分旗下民人。俱發甯古塔給予窮披甲之
人為奴。若不曾帶到伊家。及留在別處。止從中
說合者。免其治罪。該佐領驍騎校小領催五城
司坊不行嚴查禁止。官俱交與該部。領催鞭八

十。○三十九年題准。鑪戶賣身旗下者。事發將賣身人枷責。引進保人亦枷責。行文該地方官追取身價。給還原主。如貧不能給。令引進保人償還。○乾隆八年定。凡旗人契買民人。著用該地方正印官印信。若有在地方犯罪案緝之匪類賣身者。保人枷號三月。杖一百。其原價向賣身之人追取給主。賣身之民。遞回原籍。枷號三月。杖一百。如原犯之罪重者。從重歸結。

保賣旗人。○康熙十五年題准。凡將旗下人稱係民人保賣者。保人責四十板。流徙尚陽堡。係

旗人。枷號三月。鞭一百。賣身之人。枷號三月。鞭一百。係逃人。照逃例治罪。○乾隆八年定。凡將旗下人稱係民人保賣者。將保人並賣身之人。俱枷號三月。杖一百。若賣身之人係逃人。照逃例治罪。保人照窩家例治罪。○三十三年定。凡將旗下家人稱係民人保賣者。將保人並賣身之人。俱枷號三月。杖一百。若賣身之人係逃人。除係初次二次逃走。仍照本例治罪外。如逃至三次。照逃走三次例。發甯古塔烏拉等處給披甲人為奴。保人照窩家例治罪。

謹案嘉慶十八年。將甯古塔以

下十一字。改為各省駐
防給官員兵丁九字。

誑開籍貫賣身。康熙十五年定。凡將他人之
名誑作己名賣身者。將賣身之人照光棍為首
例。保人照光棍為從例治罪。買主之原價毋庸
議。若誑開籍貫姓名賣身者。枷號兩月。鞭一百。
仍斷與買主。保人枷號一月。責四十板。係旗人。
枷號一月。鞭一百。乾隆八年定。凡賣身之人。
誑開籍貫。假捏姓名賣身者。枷號兩月。杖一百。
仍斷與買主。保人枷號一月。杖一百。若誑寫他
人姓名賣身。審係讎怨計圖陷害者。即照光棍

為首例。治罪。知情之保人。俱照光棍為從例治罪。

冒稱逃人。○順治初年定。凡職官將民人冒認伊家逃人者。降一級罰俸一年。○康熙九年題准。旗下人將民人誑稱逃人。投遞逃牌者。枷號三月。鞭一百。民人串通者。責四十板。並妻子發與甯古塔窮兵為奴。○十年題准。凡逃人中證已故。或失落文契。招稱係某家所買。審實者。斷與買主。若非買主。冒認者。枷號三月。鞭一百。其並非賣身而誑稱賣身之人。責四十板。並妻子

發與甯古塔窮兵為奴。○十二年議定。凡將民人冒認逃人者。旗下人。枷號兩月。鞭一百。誑稱賣身之人。責四十板。並妻流徙尚陽堡。若民人冒抵逃人姓名。誑稱係某家逃人者。亦照此例治罪。其祖父及子孫有願隨去者聽。○乾隆八年定。凡雍正十三年十一月十九日以前白契所買之人。逃走被獲者。中證明白。所買是實。斷與所買之人。如中證不明。所買不實。應斷為民。或無中證。或失落文契。但逃人招稱係某人。家所買屬實者。即斷與買主。若伊並未賣身。串

通冒稱係某人家。人。並冒抵逃人姓名者。均杖一百徒三年。其原非買主串通誑稱者。係官交部議處。係閒散。枷號四十日。鞭一百。如有行詐得贓。及另犯他罪者。審明從重歸結。

派往駐防滿洲兵丁。臨行及中途脫逃。○乾隆三十年奏准。派往各省駐防滿洲兵丁。有臨行自京脫逃。及中途脫逃者。俱即銷除旗籍。責八十板。帶鎖發伊犁。充當步甲苦差。如再不安分。復行脫逃。拏獲時。即令該將軍奏明正法。○嘉慶六年定。派往各省駐防滿洲兵丁。有臨行自

京脫逃及中途脫逃自行投回者免其治罪。仍行派往。若被拏獲者。削除旗籍。責八十板。帶鎖發往伊犁。充當步甲苦差。如在配復行脫逃自行投回者。免其治罪。嚴加管束。拏獲者用重枷枷號三月。鞭一百。

察哈爾蒙古歸併額魯特逃走分別治罪。○順治十四年議准。口外蒙古逃人拏解者。咨送理藩院歸結。窩家及地方官照例議處。○乾隆二十六年議准。察哈爾蒙古等。如有逃走。或一月內自回。並一月外自回。或被拏獲。俱照旗逃例。

一體辦理。其歸併察哈爾之陳額魯特。如有逃走者。亦照察哈爾蒙古等辦理。其新歸併之額魯特。如有逃走者。即於拏獲之處正法。其自行投回者。不論年月。即發往廣東廣西雲南貴州煙瘴地方。如不安分。即在彼處正法。

白契所買之人逃走。○順治十八年

諭。凡逃人自順治元年以前者。年久免其察究。照舊安業。○康熙十年議准。凡順治元年以前逃人。不給原主。放出為民。如仍投旗下者。有主識認。仍給原主。○二十二年題准。本年十月以前白契所買

之人。初次逃走者。鞭八十。斷與伊主。拏獲之官不記功。第二次逃走被獲解來者。方行鞭刺。交與伊主。將拏獲之官記功。自本年十月以後白契所買之人逃走者。責三十板。暫交與伊主。俟交還身價之日。放出為民。拏獲之官不記功。○三十三年題准。康熙二十二年以後白契所買之人。仍照例完結外。其康熙二十二年十月以前白契所買之人。既係斷歸旗下。初次逃走。即令遞逃牌刺字。鞭一百。交與伊主。拏獲之官記功。○四十三年議准。康熙四十二年以前旗下

白契所買之人。俱作紅契。准遞逃牌。四十二年以後白契所買之人。許其贖身。如有逃亡。不得投遞逃牌。○雍正元年議准。自康熙四十三年起至六十一年止。白契所買之人。照依四十二年之例。俱不准其贖身。若有逃走。准其遞牌。雍正元年以後白契所買之人。若給原價。俱准贖身為民。其本人帶妻賣身者。亦准贖出。若白契賣身後。買主配有妻室者。不准贖身。再未經賣身之先。或已定親。未曾完娶。其賣身旗下。女家並不知情者。必問女家情願。方許配合。如女家

不情願者聽其另配。○十三年定。凡雍正十三年定例以前白契所買之家人。即同印契。如有逃走。准遞逃牌。○乾隆二十五年定。凡白契家人逃走。悉照紅契家人例。報部記檔。拏獲之日。按照次數分別治罪。其有偷帶器械等事。亦照例刺字問擬。如本主遺漏不報。將家奴照例入官。或本主已報。由佐領處遺漏者。將領催等按例懲治。

八旗家人逃走。分別次數治罪。○乾隆八年定。凡旗人初次逃走者。左面刺

清漢
逃人

字。鞭一百。二

次逃走者。右面刺字。枷號一月。鞭一百。三次逃走者。右面刺所發地名。咨送兵部。發甯古塔烏拉等處給披甲人為奴。○二十七年定。

盛京旗下家奴。如為匪畏罪逃走。初次枷號兩月。二次酌發駐防兵丁為奴。○又定。

盛京旗下家奴。如為匪畏罪逃走。初次枷號兩月。二次發往伊犁等處駐防兵丁為奴。○三十二

年定。凡旗下家人初次逃走者。左面刺

清漢人字。

鞭一百。二次逃走者。右面刺字。枷號一月。鞭一百。三次逃走者。右面刺所發地名。咨送兵部。發

甯古塔烏拉等處給披甲人為奴。○嘉慶六年定。凡旗下家人初次逃走者。左面刺清漢人字。鞭一百。二次逃走者。右面刺字。枷號一月。鞭一百。均交旗給主領回。如伊主不願領回。免其刺字。交縣與民人一體管束。三次逃走者。右面刺所發地名。咨送兵部。發甯古塔烏拉等處給披甲人為奴。○二十二年定。

盛京旗下家奴。如為匪畏罪逃走。初次枷號兩月。二次改發各省駐防為奴。○道光五年定。凡旗下家人初次逃走者。左面刺清漢人字。鞭一百。二

次逃走者。右面刺字。枷號一月。鞭一百。均交旗給主領回。如伊主不願領回者。免其刺字。交縣與民人一體管束。三次逃走者。發各省駐防給官員兵丁為奴。照例刺字。旗下家人婦女有犯逃走者。亦照此科斷。按律收贖。均免刺字。

開除丁糧。○康熙二十二年定。凡賣身旗下之人。有丁徭者。即開除丁糧。如原籍居址無可稽查。並無丁徭可除者。令地方官曉諭存案。僅日後逃回。仍作逃人查拏。

斷出為民納糧當差。○康熙二十二年定。凡審

明逃犯。例應斷為民者。即遞解原籍。交與地方官令其納糧當差。仍令地方官一面申詳督撫。一面具文報部。

拏獲逃人。地方官記功。○乾隆三十二年定。凡旗下家人逃走。無論紅契白契。俱照例鞭刺。交與伊主。拏獲之。地方官記功。

無主認領之逃人。計算次數。○順治十六年題准。凡無主認識逃人。入官分與旗下。從所給之主家逃走者。將入官一次不算。止算逃走一次。○十七年題准。無主認領之逃人入官一次。通

算次數。○乾隆八年定。凡無主認領之逃人。分別鞭刺。照例入官。給八旗兵丁為奴。若再逃者。連前計算次數至三次者發遣。○嘉慶十八年定。凡無主認領之逃人。分別鞭刺。照例入官。給八旗兵丁為奴。若再逃者。連前計算次數至三次者發各省駐防給官員兵丁為奴。

逃犯已故免提妻子。○康熙十年題准。凡逃人在外娶妻及所生子女。或經首獲。於未審之先。逃人亡故者。不斷與逃人之主。釋放為民。○十五年題准。凡逃人亡故。其外娶妻及所生子女。

審實者。斷與逃人之主。若虛釋放為民。○乾隆八年定。凡逃人逃走後。在外娶有妻室。及生有子女。或本主首告行提。或被地方官拏獲。審明之後。逃人身故者。其外娶之妻及所生子女。仍斷與原主。若未發覺之先。逃人已故。雖有外娶妻室及所生子女。伊主呈告。或旁人出首。俱不准行。

逃人無主認領。○康熙四年題准。凡逃人在地方官處指有旗色佐領。至部供稱忘記本主者。仍鞭刺入官。○六年題准。無主認識入官之逃

人行文地方官將窩家責四十板釋放。地方十家長兩鄰各責三十板釋放。○十年題准。凡逃人無主認識者。鞭刺入官。給予八旗窮兵為奴。後被原主認識。仍給原主。地方官功過不議。窩家及地方十家長兩鄰。照例責釋。○十五年題准。凡有面上刺字無主認識之逃人。其窩家及地方官功過俱照例議。○乾隆八年定。凡地方官將逃人拿解到案。審明實係逃人。如無主認識。照例鞭刺入官。給八旗兵丁為奴。其窩家地方人等及地方官。照例究議。若逃人入官後有

被原主認識者。仍給予原主。

旗人所買蒙古人逃。○康熙二十二年定。凡新買喀爾喀等處蒙古人。初次逃走者。照白契所買之人逃走例。鞭八十。二次者。照逃人例治罪。○乾隆八年定。凡旗人所買喀爾喀等處蒙古人逃走者。亦照逃人例。分別治罪。

口外逃人娶妻。○順治十四年定。凡口外蒙古逃人。逃進腹裏娶妻者。將所娶之妻釋放為民。其給予口外公主人役家下逃人。在逃走處所娶之妻。應歸結所娶之夫。○乾隆八年定。凡口

外蒙古人逃進內地娶妻者。所娶之妻。斷歸母家。其公主屬下人役。在逃走處娶妻者。拏獲審明。斷給逃人完聚。

外省駐防逃人。○原定。凡逃牌。其王等所屬者。遞與各該都統。公將軍城守尉所屬者。遞與各公將軍城守尉等。用印信轉送該督撫存案。其盛京所屬者。送

盛京刑部存案。逃走之逃冊。王所屬之都統公將軍城守尉等。每年四月內咨送督捕衙門。其拏獲鞭刺人姓名主名旗色佐領。拏獲年月日期。

及官員職名該督撫

盛京刑部。每年三月內咨送督捕衙門敘功時磨對議敘。令該督撫將逃人面上刺滿漢字鞭責其續順公鎮海將軍滄州德州此四處地方之逃人。若自行投主者。令逃人之主同佐領及撥什庫帶到各該公將軍城守尉等處。公將軍城守尉等將伊處逃冊圈銷具印信實文知會審理逃人之督撫。令督撫照文圈銷逃冊。若因逃人尚有質訊之處。或逃人之主出差不在家內。或幼子寡婦難以遠赴督撫衙門者。該督撫移

會各該公將軍城守尉取口供完結。○乾隆八年定。凡外省駐防及續順公鎮海將軍滄州德州等處逃人。屬都統者。赴都統衙門投遞逃牌。屬公及將軍城守尉者。赴各該衙門投遞逃牌。各該衙門用印文轉行該督撫存案。其

盛京所屬逃人。將逃牌送

盛京刑部存案。於每年四月內造冊咨送刑部備案存查。至

盛京刑部及該督撫拿獲逃人。應鞭刺者。照例鞭刺。應發遣者。咨部發遣。亦於每年四月內將拿

獲遇逃人姓名旗色佐領主名並拏獲日期及
官員職名造具清冊咨送刑部磨對議敘若自
回逃人令該管佐領等呈報各該管衙門圈銷
逃冊照例完結仍將完結緣由移會緝拏逃人
之衙門一體圈銷逃冊

謹案此條道光十二年
刪及續順公鎮海將軍

漳州德州等處十四字改屬公及將軍
城守尉者句為屬將軍及城守尉者

欽定大清會典事例卷八百五十八

刑部

督捕例

外省獲逃會審
例前逃白與所買之
逃走曹身未家

斷作寓家

盛京等處並各遠口嚴查逃人帶逃外逃

人交札薩克查拏游牧處所寓隱逃人

甯古塔水手等役寓逃邊外屯莊寓逃

營伍寓逃運糧等船寓逃軍船商船寓

逃官貢赴任後家人寓逃僧道寓逃

馬疾廢疾收贖老幼收贖婦人寓逃

逃人原娶之妻出首逃人雇覓逃人僱

工將房地賣與逃人奉文武官員寓逃

寓家出首逃人妻子奉天錦州民並流徙

人寓逃

外省獲逃會審○康熙十年題准凡保定太原

滄州。德州等四城駐防逃人。若有窩家。令伊所屬官員轉報巡撫。交該鄰近按察司同城守尉審理。若按察司所駐地方遙遠。除伊所屬道員外。交鄰近道員同城守尉審理。如窩隱情確。該撫覈實。止將窩主解送督捕。覆議具題。○十一年題准。奉天府逃人。令

盛京刑部審理。甯古塔逃人。令甯古塔將軍審理。各省駐防旗下逃人。交該督撫審理。○二十年題准。布忒海邨逃人事件。交甯古塔將軍發落。○又題准。各省駐防旗下拏獲逃人。仍令該將

軍城守尉等與同城督撫或官職大者會同審理。

例前白契所買之人在例前逃走。康熙二十二年定。凡例前白契所買之人在未定例之前逃走者。亦照例後白契所買之人例。杖八十。交與伊主。令其交還身價。放出為民。富家及地方官均免議。謹案此條原載白契所買之人逃走。內。乾隆八年奏准摘去。另立專條。

逃走賣身。康熙二十二年定。凡例前白契所

買之人。逃走在外。稱係民人賣身與人者。

無論白契

印契將逃人俱仍斷與原主。若例後白契所買之

人逃走在外。稱係民人賣身與人者。係白契將

逃人斷與原主。如係印契。將逃人斷歸用印契

後買之主。

謹案此係原載白契所買之人逃走。門內。乾隆八年奏准摘去。另立專條。

未家斷作窩家。○順治三年題准。凡逃人逃走。換住數家被獲。將未家斷作窩家。

移窩窩逃。○康熙元年題准。凡移窩別處窩隱逃人者。將移窩之處兩鄰十家長地方及地方官。俱照例治罪。

駐防窩帶逃人。○順治十八年題准。各省駐防旗下官員及常人窩帶逃人者。俱正法。○康熙

七年題准。各省駐防旗下窩逃之人。係官革職。罰銀一百兩。係常人。枷號三月。鞭一百。○十年題准。凡窩帶逃人者。係官革職。常人。照例枷號鞭責。○乾隆八年定。凡往各省駐防官員及閒散人等窩帶逃人者。俱照旗人窩逃例。分別治罪。

盛京等處並各邊口嚴查逃人。○康熙三十三年題准。凡

盛京甯古塔黑龍江將軍及邊汛等官。各於所屬內緝拏逃人。務期必獲。如彼處土著之人。將逃

人隱匿不行舉出。經旁人出首拏獲者。將隱匿之人。照窩逃例。分別治罪。再沿邊地方總兵官。責令所轄守邊守口官兵。將出邊之人嚴加盤查。若將逃人疏忽放出者。將守口之官兵兵丁。照地方及地方官失於查察例。究處。故縱者從重論。

口外逃人交札薩克查拏。○雍正五年議准。沿柳條邊之蒙古地方。有內地民人種地居住者。交與札薩克等。十家內設立一長。逐戶嚴查。不許無事閒人存留。令札薩克等。亦自十家長取

具保結。如民人內有隱匿內地逃人者。著該札薩克查拏。將逃人一併送部。其逃人照定例治罪。將容留隱匿逃人之民人。亦交與該部治罪。○又議准。發遣人犯。或有混入邊地貿易割草人中。偷渡河岸。逃入蒙古境內者。應令汛渡弁兵。將貿易割草之人。於去時登記人數。回時仍查原數。若人數短少。顯有脫逃隱匿。即行文知會蒙古。若有閒蕩游手久留不歸之人。即係脫逃兇犯。當即拏送該處。照本犯原罪分別治罪。儻有弁兵不行稽查。疏縱脫逃。漫無覺察者。將

汎渡弁員照失察例議處兵。照失於盤詰例治罪。蒙古既知係內地脫逃之犯。仍容留隱匿者。將蒙古照窩藏逃人例治罪。○又定。凡口外有旗下逃人。交與該札薩克及管轄之人。於各旗佐領下嚴加查拏解部治罪。

游牧處所窩隱逃人。○康熙三十三年定。邊外八旗游牧處所官員。凡游牧之處住有逃人者。應不時巡查緝拏。若將逃人隱匿不行舉出。經旁人出首拏獲者。將窩家人等俱照例治罪。○又題。挂各旗伐木燒炭人等。領票出邊口時。為

首領之人於各帶往衆人之內。十人放一頭目。將所去之人年貌造冊。令為首帶往之人作保。其冊籍用該部印信。與出邊之文同發。與邊汛之官。照冊內年貌驗數放出。儻若將逃人入於伐木燒炭人羣之內帶往。以致逃人被獲者。將窩隱逃人帶往之人。斷作窩家。其為首帶往之人。照鄰佑例治罪。

甯古塔水手等役窩逃。康熙十二年題准。凡甯古塔駐防旗下逃人逃走三次者。具空文報督捕衙門。覆議具題。水手礮手等役窩隱逃人。

者。枷號三月。責四十板。○又議准。枷號兩月。責四十板。○十五年議定。仍枷號三月。責四十板。○乾隆八年定。凡甯古塔等處駐防地方水手。破手等役。窩隱旗下逃人者。係旗人。照旗人窩逃例。係民人。照民人窩逃例。分別治罪。

邊外屯莊窩逃。○康熙二十三年定。凡邊外居住旗人窩隱逃人者。將窩家及該管領催照例治罪。

營伍窩逃。○順治十五年題准。凡營伍內窩隱逃人者。若有保人。將保人斷為窩家。其留住之

房主責四十板。雖有保人。因其不行查出情由。將管隊責四十板。流徙。外委百總責三十五板。把總責三十板。千總責二十五板。○康熙十年議准。凡失察逃人之管隊。免其流徙。枷號兩月。責四十板。○乾隆八年定。凡營伍內窩隱逃人者。若有保人。將保人斷作窩家。留住之房主杖一百。其不行查出之管隊。及外委百總。均杖八十。該管之把總千總。交部議處。○嘉慶六年定。凡營伍內窩隱逃人者。若有保人。將保人斷作窩家。知情留住之房主。減窩家罪一等。罪止杖

一百不知者不坐。其不行查出之管隊及外委百總。減房主罪二等。罪止杖八十。該管之把總千總。交部議處。

運糧等船窩逃。○順治十一年題准。運糧等船窩隱逃人者。船家處斬。船內財物入官。○康熙十一年議准。凡糧船並回空之船。責成各該押運官及千總百總。將人數寫給印票。令其稽查。若有窩隱逃人者。將留住逃人之船主。斷作窩家。責四十板。並妻子一併流徙尚陽堡。同船運丁。各責四十板。頭船屯丁頭目。照地方例初號。

兩月責四十板。領運千總照失察例革職。押空百總既無品級。責三十五板。革去百總。其河南山東二省押運督糧道。應罰俸一年。江西浙江湖北湖南江安蘇松等六處押運通判。品級較糧道雖小。但押運責任相同。亦應罰俸一年。○乾隆八年定。凡糧船並回空船隻。各該押運及千百總將人數填寫印票。不時稽查。若有窩隱逃人者。將留住逃人之人。斷作窩家。屯丁頭目。照地方例治罪。運丁杖一百。百總杖八十。仍革去百總。領運千總並督運各官。均交部議處。○

嘉慶六年定。凡糧船並回空船隻。各該押運官及千百總。將人數填寫印票。不時稽查。若有窩隱逃人者。將留住逃人之人。斷作窩家。屯丁頭目。照地方例治罪。運丁減窩家一等。罪止杖一百。百總減運丁二等。罪止杖八十。仍革去百總。不知者不坐。領運千總並督運各官。均交部議處。

軍船商船窩逃。○順治十三年題准。凡軍船商船。該管官將本船男婦數目。給予印票鈔關之官。查照票內數目放行。若有票內無名之人。即

行拏解。如逃人過一關。至二關拏獲。或被首告拏獲者。將不行盤拏放過關之官。交部議處。船主斷作窩家。

官員赴任後家人窩逃。○順治十一年題准。凡漢文武官員赴任之後。有本家人窩隱逃人者。本官不知情免罪。將窩逃之人斷作窩家。

僧道窩逃。○順治九年議准。凡僧尼道士窩隱逃人者。照民例治罪。

篤疾廢疾收贖。○康熙十年議准。凡瞽目之人窩隱逃人者。免責。仍將妻子家產人口。一併流

徙尚陽堡。○乾隆八年定。凡窩留逃人。及鄰佑地方十家長等犯。如有篤疾廢疾者。審驗明確。俱准其照例收贖。○四十二年定。逃人。窩家及鄰佑地方十家長等犯。如有篤疾廢疾者。審驗明確。俱准其收贖。

老幼收贖。○順治十一年題准。窩隱逃人之犯。七十歲以上者。男婦俱免流徙。該地方官捏充年老免罪者。從重議處。○十三年題准。凡窩隱逃人者。係七十歲以上。十三歲以下。俱免責。家產人口。一併流徙尚陽堡。○康熙十年題准。逃

人寄居妻家。若有十三歲以上男丁。作為窩家。十二歲以下免罪。○十二年題准。凡十五歲以下窩逃者。免流徙。十六歲以上者。仍照例流徙。尚陽堡。○乾隆八年定。凡窩留逃人。及鄰佑十家長地方人等。如有年逾七十。及年未及十六歲者。照例問擬。准其收贖。仍取具並無虛冒。假捏甘結存案。

婦人窩逃。○順治十二年題准。寡婦窩逃者。入官。○十五年題准。凡婦人伊夫不在家。窩隱逃人者。免其流徙。責四十板釋放。鄰佑十家長地

方及地方官。照例治罪。○康熙六年議定。凡寡婦窩逃者。責四十板。流徙尚陽堡。○乾隆八年定。凡婦人窩隱逃人。應罪坐夫男。如夫男外出。實不知情。及隻身孀婦。並無夫男者。應將本婦照窩隱逃人例。分別問擬。依律收贖。鄰佑十家長地方人等。照例治罪。地方官交部議處。

逃人原娶之妻。○順治十一年題准。凡逃人逃去在民間原娶之妻。家居住者。將原娶妻歸給本夫。若有十六歲以上之子。將一人斷作窩家。十五歲以下者無罪。○乾隆八年定。凡逃人逃

回原籍。在伊原娶之妻家居。住被獲者。審明。將逃人之妻。斷給逃人完聚。其窩家人等。照例治罪。

出首逃人。○順治十一年題准。凡逃人被窩主出首者。窩主免罪。其鄰佑十家長地方等。內有一人出首者。俱免罪。窩家仍治罪。○康熙十二年題准。凡窩逃之罪。其同居族人。及主僕互相出首者。窩主亦免罪。○又題准。凡拏獲逃人解部。審係實有窩家者。方行文地方官提取窩家審理。○十四年題准。地方官不候部文。行提將

窩家拏解者題叅議處。如有藉端詐害等情。從重治罪。○十五年題准。逃人稱有窩家。地方官拘審。候俟督捕審實。逃人行文提審。若不係逃人。行文釋放。○乾隆八年定。凡逃人被窩家出首者。窩家人等免罪。若窩家不行出首。或該管地方十家長鄰佑人等內有一人出首者。止將窩家照例治罪。其餘鄰佑十家長地方等俱免罪。如窩逃之人一邨居住族中人等及主僕互相出首者。窩家亦免罪。至拏解逃人。地方官將窩家暫行拘禁。不許一併解送。須候該管衙

門審明實係逃人行文地方官將窩家審擬發落。

雇覓逃人傭工。○順治十一年題准。旗下人民。雇覓逃人做工。或賃房與住。有保人者。將保人坐以窩主之罪。雇覓賃房人免議。該管官十家長地方鄰佑俱免罪。如該管官查獲解部者。照例紀錄。如無保人。留住過十日者。無論雇賃俱處死。其家產入官。○康熙十二年題准。凡雇覓逃人做工。及賃房與住。過十日者。方斷為窩家。保人亦以過十日者坐罪。○十四年題准。凡

雇覓逃人做工。賃房與住及保人之罪。過十五日者。斷為窩家處治。○十五年題准。旗人民人保隱逃人者。將保人不論日期。斷為窩家。雇覓之人免罪。其無保人而留住及雇覓之人。過十日者。仍治罪。○乾隆八年定。凡將逃人雇覓傭工。及賃房與住。照窩家例。分別知情不知情治罪。若有保人者。將保人照窩家例治罪。其雇住房主及十家長地方鄰佑並地方官。俱免議。將房地賣與逃人。○康熙十二年題准。凡將房地賣與逃人。有保人者。將保人作為窩家。如無

保人將引進之人作為窩家鄰佑十家長地方及該管官照例免議如無保人及引進之人將房地之主仍作窩家或將房地賣後搬移別處居住事發房地之主免罪鄰佑十家長地方及該管官仍照例議處○十五年題准房地已賣移寓他處事發將房地之主斷作窩家其原處之兩鄰十家長地方及該管官照例治罪○乾隆八年定凡將房地賣與逃人者如有保逃人之人將保人作為窩家如無保人或有引進之人將引進之人作為窩家其鄰佑十家長地方

及地方官俱免議。如無保人及引進之人。將房地之主。仍斷作窩家。鄰佑地方十家長俱照例治罪。

文武官員窩逃。○順治九年議准。凡生員窩隱逃人者。照民例治罪。○十一年議准。凡現任漢文武官員。並有頂戴閒散官員。進士舉人貢生監生。及休致回籍閒居各官。窩隱逃人者。止將本身並妻子流徙尚陽堡。家產俱行入官。其鄰佑地方十家長及地方官。照常治罪。○乾隆八年定。凡漢文武官員。並進士舉人貢監生員。及

有頂戴人員。窩隱逃人者。俱照民人窩逃例。分

別知情不知情辦理。

知情者。照犯私罪例。科斷。不知情者。不坐。八旗文武官。

員有犯。亦照此例。

鄰佑地方十家長及地方官。俱照例

究議。其誤典誤買及雇覓傭工。仍照例將保人或引進之人。斷作窩家。

窩家出首逃人妻子。○康熙十四年題准。凡逃人被獲後。窩家將其妻子出首者。窩家地方官一併免罪。若窩家不首。地方官不行察解者。仍照例治罪。○十五年議定。凡逃人未經拏獲之先。窩家將其妻子出首者。窩家免罪。地方官仍

記功。若被獲逃人後出首者。仍斷為窩家地方官照例議處。○乾隆八年定。凡逃人如被別處及旁人拏獲後。窩家將逃人妻子出首者。將窩家照聞拏自首例減二等治罪。地方官免議。若逃人未被拏獲之先。窩家將逃人妻子出首者。窩家免罪。地方官仍記功。

奉天錦州民並流徙人窩逃。○康熙十二年題准。凡奉天錦州二府所屬地方民人及流徙尚陽堡甯古塔之民人。窩隱逃人者。俱枷號三月。責四十板。○乾隆八年定。凡奉天等處所屬民

人及流徙尚陽堡甯古塔之民人。窩隱逃人者。俱照窩家例。分別年限。及知情不知情科斷。仍照例折枷責發落。○五十三年定。凡奉天等處所屬民人。及流徙尚陽堡甯古塔之民人。窩隱逃人者。俱照窩家例。分別知情不知情科斷。